

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI SELASA, 3 DISEMBER 2013, PUKUL 10.00 PAGI**

**Bil. 49**

---

**PERTANYAAN-PERTANYAAN BAGI JAWAB LISAN**

1. PR-1313-L58094  
**Datuk Haji Abdul Azeez bin Abdul Rahim [ Baling ]** minta **MENTERI PEMBANGUNAN WANITA, KELUARGA DAN MASYARAKAT** menyatakan apakah terdapat sebarang perancangan untuk menambah kuota permohonan 1Azam khususnya di kawasan luar bandar memandangkan program ini telah mendapat sambutan yang menggalakkan daripada peniaga-peniaga kecil agar lebih ramai yang akan mendapat faedah.
2. PR-1313-L57324  
**Tuan William Leong Jee Keen [ Selayang ]** minta **MENTERI PERDAGANGAN ANTARABANGSA DAN INDUSTRI** menyatakan kekuatan Malaysia mendapat kedudukan ke-24 *World Economic Forum* dan langkah-langkah untuk menangani kelemahan negara dalam persaingan antarabangsa.
3. PR-1313-L58873  
**Datuk Johari bin Abdul Ghani [ Titiwangsa ]** minta **MENTERI WILAYAH PERSEKUTUAN** menyatakan apakah tindakan bagi mengekang penularan penggunaan papan iklan dalam bahasa asing selain Bahasa Melayu dan Inggeris yang dilihat semakin berleluasa terutamanya di Jalan Silang, Jalan Chow Kit, Lebuhraya Pudu dan Jalan Ampang.
4. PR-1313-L58991  
**Dr. Mohd. Khairuddin bin Aman Razali [ Kuala Nerus ]** minta **MENTERI LUAR NEGERI** menyatakan ulasan berhubung *International Covenant on Civil & Political Rights* (IPPR).
5. PR-1313-L59052  
**Dato' Shamsul Anuar bin Haji Nasarah [ Lenggong ]** minta **MENTERI PERTAHANAN** menyatakan :-
  - (a) usaha Kementerian meningkatkan tahap profesionalisme di kalangan anggota tentera; dan

- (b) bentuk atau kerjasama ketenteraan dengan negara-negara jiran serta negara lain serta menjelaskan projek atau program yang dilaksanakan melalui pendekatan "*Blue Ocean Strategy*".
6. PR-1313-L57249  
**Laksamana Pertama Haji Mohamad Imran bin Abd Hamid (B) [ Lumut ]** minta **PERDANA MENTERI** menyatakan bilakah pencen warga Telekom Malaysia (TM) yang sekarang bernilai RM250 akan dinaikkan ke sekurang-kurangnya RM820.
7. PR-1313-L57869  
**Dato' Othman bin Aziz [ Jerlun ]** minta **MENTERI BELIA DAN SUKAN** menyatakan apakah hubungan Kementerian dan Persatuan Sukan Induk dalam negara berada dalam keadaan harmonis. Terdapat sesetengah Persatuan Sukan lebih gemar mempolitikkan persatuan daripada memberi tumpuan kepada aktiviti pembangunan sukan dan pencapaian cemerlang atlit. Apakah kriteria yang digunakan bagi menghulurkan bantuan kewangan kepada Persatuan Sukan.
8. PR-1313-L59021  
**Puan Siti Zailah binti Mohd Yusoff [ Rantau Panjang ]** minta **PERDANA MENTERI** menyatakan kedudukan terkini pencapaian hasil pengangkutan Keretapi Tanah Melayu ke Pantai Timur dan seluruh negara. Apakah usaha untuk memperkasakan pengangkutan kereta api dan apakah masalah-masalah utama yang dihadapi sehingga sekarang.
9. PR-1313-L58097  
**Datuk Sapawi bin Ahmad Wasali [ Sipitang ]** minta **MENTERI PENDIDIKAN** menyatakan jumlah pelajar Malaysia yang memilih untuk kembali menyambung pengajian di Mesir selepas pergolakan tercetus di negara itu yang memaksa Kerajaan membawa pulang pelajar kita, dan berapa ramai pula pelajar yang memilih untuk melanjutkan pengajian di dalam negara atau universiti di negara lain.
10. PR-1313-L57776  
**Tuan M. Kulasegaran [ Ipoh Barat ]** minta **MENTERI SUMBER MANUSIA** menyatakan :-  

(a) memberi alasan bagi menunda tarikh persaraan kakitangan yang bekerja di lebih 258 syarikat; dan

(b) adakah tarikh persaraan kakitangan tersebut akan dinaikkan.
11. PR-1313-L59083  
**Tuan Haji Ahmad Lai bin Bujang [ Sibuti ]** minta **MENTERI KEMAJUAN LUAR BANDAR DAN WILAYAH** menyatakan adakah terdapat satu bentuk skim pinjaman perumahan khusus kepada rakyat di luar bandar membina rumah atau membesar rumah warisan keluarga untuk menampung pertambahan penghuni dan keluarga.

12. PR-1313-L58530  
**Tuan Wong Ling Biu [ Sarikei ]** minta **MENTERI PENDIDIKAN** menyatakan sama ada semua sekolah diwajibkan menubuhkan Persatuan Ibu Bapa dan Guru (PIBG). Bolehkah sekolah-sekolah yang telah menubuhkan Lembaga Pengurusan Sekolah dikecualikan untuk menubuhkan PIBG.
13. PR-1313-L59041  
**Datuk Joseph Salang anak Gandum [ Julau ]** minta **PERDANA MENTERI** menyatakan langkah-langkah dan inisiatif bagi meningkatkan perpaduan rakyat Malaysia.
14. PR-1313-L58966  
**Tuan Nik Mohamad Abduh bin Nik Abdul Aziz [ Pasir Mas ]** minta **MENTERI BELIA DAN SUKAN** menyatakan statistik jumlah pemain bola sepak yang terpalit dengan gejala rasuah dari tahun 2000 hingga 2012.
15. PR-1313-L57567  
**Datuk Hajah Norah binti Abd Rahman [ Tanjong Manis ]** minta **MENTERI PEMBANGUNAN WANITA, KELUARGA DAN MASYARAKAT** menyatakan apakah perancangan jangka panjang Kerajaan untuk membantu warga tua di luar bandar yang miskin dan miskin tegar untuk meneruskan kehidupan mereka memandangkan mereka tidak mempunyai keupayaan untuk bekerja dan bantuan bulanan daripada Jabatan Kebajikan juga tidak mencukupi.
16. PR-1313-L58361  
**Tuan Haji Khalid bin Abdul Samad [ Shah Alam ]** minta **PERDANA MENTERI** menyatakan apakah ajaran-ajaran sesat yang telah diharamkan oleh Kerajaan dan apakah usaha-usaha yang dijalankan oleh Kerajaan bagi menyekat penyebaran ajaran-ajaran tersebut.
17. PR-1313-L57715  
**Tuan Rozman bin Isli [ Labuan ]** minta **MENTERI PENDIDIKAN** menyatakan :-
  - (a) apakah langkah-langkah yang diambil untuk mengelakkan guru-guru tidak terpisah daripada suami atau isteri terlalu lama sehingga melebihi empat tahun; dan
  - (b) adakah usaha untuk membangunkan satu program komputer (*software*) yang boleh membantu *match making* untuk guru-guru yang ingin bertukar tempat.
18. PR-1313-L57474  
**Tuan Shamsul Iskandar bin Mohd Akin [ Bukit Katil ]** minta **PERDANA MENTERI** menyatakan apakah maklum balas Kerajaan (JPA) berkaitan dengan tuntutan Kesatuan Teknik Semenanjung Malaysia (MTSU) untuk mendapatkan kajian penarafan semula skim perkhidmatan teknikal yang telah tidak dikaji semula sejak 20 tahun yang lalu.

19. PR-1313-L59003  
**Puan Mas Ermieyati binti Samsudin [ Masjid Tanah ]** minta **MENTERI PEMBANGUNAN WANITA, KELUARGA DAN MASYARAKAT** menyatakan bagi mencapai objektif dasar sekurang-kurangnya 30% wanita di peringkat pembuat keputusan, Kerajaan telah melaksanakan Program Pengarah Wanita:-
- (a) apakah perkembangan terkini bagi program tersebut; dan
  - (b) adakah Kerajaan merasakan program ini berupaya dan boleh diteruskan pada masa akan datang bagi mencapai objektif tersebut.
20. PR-1313-L57736  
**Tuan Nga Kor Ming [ Taiping ]** minta **MENTERI PENDIDIKAN** menyatakan apakah pelan tindakan Kementerian secara menyeluruh untuk meningkatkan kedudukan universiti tempatan, IPTA dan IPTS di senarai *QS World University Ranking*.
21. PR-1313-L57090  
**Dato' Seri Ong Ka Chuan [ Tanjong Malim ]** minta **MENTERI TENAGA, TEKNOLOGI HIJAU DAN AIR** menyatakan adakah aduan orang ramai bahawa meter baru yang dipasang oleh pihak TNB sejak kebelakangan ini telah mengakibatkan peningkatan bil elektrik yang ketara, benar atau tidak. Kalau benar, apakah tindakan yang diambil oleh pihak TNB untuk mengatasinya.
22. PR-1313-L58773  
**Puan Hajah Fuziah binti Salleh [ Kuantan ]** minta **MENTERI PEMBANGUNAN WANITA, KELUARGA DAN MASYARAKAT** menyatakan adakah Kerajaan mempunyai rancangan untuk memberikan rebat cukai kepada kaum wanita yang mengambil insurans khas sakit puan dan vaksin anti-human papillomavirus (HPV) dalam usaha meningkatkan kadar pencegahan penyakit itu di kalangan wanita.
23. PR-1313-L57664  
**Dato' Haji Irmohizam bin Haji Ibrahim [ Kuala Selangor ]** minta **MENTERI KESIHATAN** menyatakan tentang tahap kesihatan rakyat Malaysia berbanding negara-negara maju yang terlibat dengan penyakit kronik seperti buah pinggang, darah tinggi, sakit jantung dan kencing manis. Nyatakan apakah usaha sistematik di dalam mengurangkan risiko sakit jantung dan apakah peralatan yang terkini untuk mengubati penyakit berkenaan yang terdapat di hospital-hospital pakar termasuk IJN.
24. PR-1313-L58456  
**Tuan Haji Mohd Rafizi bin Ramli [ Pandan ]** minta **MENTERI KEWANGAN** menyatakan pecahan kos bagi setiap liter petrol dan diesel bagi bulan September 2013 pada harga pasaran seperti yang dipaparkan di stesen petrol; dan pecahan subsidi bagi setiap liter petrol dan diesel seperti yang dipaparkan bagi bulan yang sama. Adakah jumlah subsidi yang dipaparkan termasuk jumlah cukai jualan yang tidak dikenakan Kerajaan.

25. PR-1313-L58058  
**Tuan Khoo Soo Seang [ Tebrau ]** minta **MENTERI DALAM NEGERI** menyatakan langkah-langkah yang diambil untuk mencegah pihak-pihak yang menipu memalsukan nombor telefon Bukit Aman untuk menakutkan dan menipu mangsa-mangsa mereka.
26. PR-1313-L57482  
**Tuan Jeff Ooi Chuan Aun [ Jelutong ]** minta **MENTERI KESIHATAN** menyatakan sama ada Kementerian akan membenar dan mendaftarkan pakar-pakar "*plastic & cosmetic surgery*" dari negara asing untuk beroperasi di Malaysia. Apakah lunas-lunas perundangan untuk menjamin kepentingan orang awam supaya mereka tidak menjadi mangsa kegiatan "*cosmetic surgery*" tanpa izin dan tanpa bertauliah.
27. PR-1313-L58270  
**Dato' Ikmal Hisham bin Abdul Aziz [ Tanah Merah ]** minta **PERDANA MENTERI** menyatakan apakah langkah Kementerian dalam usaha membanteras kemasukan nelayan asing ke dalam perairan negara sehingga menjejaskan pendapatan nelayan tempatan.
28. PR-1313-L58910  
**Tuan Ahmad Marzuk bin Shaary [ Bachok ]** minta **MENTERI PEMBANGUNAN WANITA, KELUARGA DAN MASYARAKAT** menyatakan 20 teratas Pejabat Kebajikan Masyarakat (JKM) Daerah yang paling banyak menolak permohonan bantuan. Nyatakan juga 20 teratas Pejabat JKM Daerah yang paling banyak menerima aduan daripada masyarakat.
29. PR-1313-L57985  
**Dato' Wira Mohd Johari bin Baharom [ Kubang Pasu ]** minta **MENTERI KESIHATAN** menyatakan tentang promosi pelancongan kesihatan yang dilakukan sejak tiga tahun lalu. Apakah strategi kempen yang dilakukan mendapat sambutan daripada pelancong luar negara. Jika ya, negara manakah yang paling ramai yang dikategorikan sebagai pelancong kesihatan dan berapakah perbelanjaan yang telah mereka lakukan sejak tiga tahun lalu di Malaysia.
30. PR-1313-L58465  
**Tuan Chua Tian Chang @ Tian Chua [ Batu ]** minta **MENTERI KESIHATAN** menyatakan jumlah doktor yang berpendidikan asing yang masih tidak diiktiraf oleh Kementerian yang kini sedang menganggur. Apakah langkah-langkah yang diambil pihak Kementerian untuk menangani isu ini.
31. PR-1313-L58283  
**Datuk Wee Jeck Seng [ Tanjong Piai ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah Kementerian bercadang untuk membina sebuah balai bomba baru di kawasan Mukim Serkat, Parlimen Tanjong Piai.

32. PR-1313-L57529  
**Dato' Seri Abdul Hadi bin Awang [ Marang ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah perangkaan terkini pemilikan warganegara asing terhadap hartanah kediaman dan hartanah komersial di seluruh Malaysia.
33. PR-1313-L57922  
**Tuan Gooi Hsiao-Leung [ Alor Setar ]** minta **MENTERI PENDIDIKAN** menyatakan sama ada Kerajaan mempunyai rancangan untuk berjumpa dengan *Academy of Principals* (Singapore) untuk mengkaji kaedah-kaedah membangun dan meningkatkan kualiti guru-guru dalam sistem pendidikan Malaysia.
34. PR-1313-L58406  
**Tuan Su Keong Siong [ Ipoh Timor ]** minta **MENTERI PENGANGKUTAN** menyatakan apakah rancangan terkini untuk meningkatkan perkhidmatan penerbangan Lapangan Terbang Sultan Azlan Shah, Ipoh . Nyatakan punca kenapa syarikat-syarikat penerbangan kurang berminat untuk menjalankan perkhidmatan penerbangan dari dan ke Ipoh.
35. PR-1313-L59115  
**Tuan Karpal Singh [ Bukit Gelugor ]** minta **MENTERI DALAM NEGERI** menyatakan bilangan orang-orang dewasa yang dilaporkan kepada polis yang hilang dalam tempoh 10 tahun lepas dan bilangan mereka yang dikesan dalam tempoh ini.
36. PR-1313-L57351  
**Puan Nurul Izzah binti Anwar [ Lembah Pantai ]** minta **MENTERI KEWANGAN** menyatakan :-
- (a) tahap proses penggalian di seluruh Kuala Lumpur dan juga tahap keseragaman antara pelan bawah tanah dan jajaran yang dipilih oleh MRT Corp; dan
  - (b) tindakan susulan yang diambil dalam menangani tanah runtuh (*landslide*) akibat daripada projek MRT di kawasan Bukit Persekutuan yang sedang dijalankan.
37. PR-1313-L58031  
**Tuan Sim Tong Him [ Kota Melaka ]** minta **MENTERI DALAM NEGERI** menyatakan jumlah kes penipuan internet yang telah dilaporkan bagi tahun 2001 hingga 2013. Di antaranya berapa kes dapat disiasat dan tangkapan dibuat. Adakah mereka juga dihadap ke mahkamah dan hukuman yang dijatuhkan kepada mereka.
38. PR-1313-L58672  
**Puan Teo Nie Ching [ Kulai ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan pendekatan untuk membantu pemilik pangsapuri yang tidak dapat membuat pindahan hakmilik oleh sebab pemaju gagal untuk membayar cukai tanah untuk hakmilik induk.

39. PR-1313-L58316  
**Tuan Wong Sze Phin @ Jimmy [ Kota Kinabalu ]** minta **MENTERI SUMBER MANUSIA** menyatakan apakah pecahan pekerja pekerja tempatan dan warga asing di sektor perladangan yang dimiliki oleh syarikat-syarikat besar seperti Felra, Felcra, Sime Darby yang mengusahakan penanaman kelapa sawit secara besar-besaran di Sabah. Apakah usaha-usaha Kementerian untuk memastikan bahawa rakyat tempatan Sabah diberi keutamaan untuk menjawat kekosongan di dalam sektor ini.
40. PR-1313-L58865  
**Dato' Mohd Ariff Sabri bin Abdul Aziz [ Raub ]** minta **MENTERI PERTANIAN DAN INDUSTRI ASAS TANI** menyatakan :-
- (a) langkah-langkah yang diambil Kementerian untuk membangunkan industri ternakan ikan air tawar di daerah Raub; dan
  - (b) apakah insentif dan galakan yang disediakan oleh pihak Kementerian untuk membantu usahawan dalam bidang ini.
41. PR-1313-L57545  
**Dato' Fauzi bin Abdul Rahman [ Indera Mahkota ]** minta **PERDANA MENTERI** menyatakan bahawa Dasar Penswastan yang diamalkan Kerajaan sejak beberapa dekad yang lalu dengan tujuan mengurangkan kos, meningkatkan prestasi, memudahkan '*establishment*' dan '*financial procedures*' yang telah meninggalkan kesan sebaliknya seperti SPANCO dan *Independent Power Producers* (IPP). Adakah Kerajaan bersedia untuk mengkaji semula Dasar Penswastan di mana ada yang merugikan negara dan membebankan rakyat.
42. PR-1313-L58213  
**Raja Dato' Kamarul Bahrin Shah [ Kuala Terengganu ]** minta **MENTERI KERJA RAYA** menyatakan apakah langkah Kementerian bagi menjamin mutu kerja dan prestasi pemborong-pemborong yang diamanahkan untuk menjalankan projek secara runding-terus atau reka dan bina (*Design and Built*) tanpa tawaran terbuka.
43. PR-1313-L58332  
**Tuan Idris bin Haji Ahmad [ Bukit Gantang ]** minta **MENTERI PERTAHANAN** menyatakan berapakah bilangan anggota tentera yang tidak berpencen dan adakah Kerajaan hendak merancang untuk memberi sagu hati tahunan RM1000 setahun sebagai penghargaan kepada mereka yang tidak mendapat pencen bulanan.
44. PR-1313-L59082  
**Tuan Haji Nasrudin bin Hassan [ Temerloh ]** minta **MENTERI PENDIDIKAN** menyatakan mekanisme pemantauan terhadap pentadbiran dan kurikulum Pusat Pendidikan Awal Kanak-Kanak (ECCE).

45. PR-1313-L57112  
**Tuan Ng Wei Aik [ Tanjong ]** minta **MENTERI PERTAHANAN** menyatakan rancangan-rancangan serta keanggotaan Angkatan Tentera Malaysia (ATM) yang terlibat untuk menubuhkan markas tentera yang baru di seluruh negara dalam tempoh 5 tahun yang akan datang dan bagaimana kewujudan markas-markas yang baru dapat memperkasakan lagi sistem pertahanan negara kita.
46. PR-1313-L57897  
**Dato' Kamarul Baharin bin Abbas [ Telok Kemang ]** minta **MENTERI SAINS, TEKNOLOGI DAN INOVASI** menyatakan :-
- (a) setakat mana 35 sebatian aktif yang ditemui daripada tumbuh-tumbuhan tempatan oleh Institut Farmaseutikal dan Nutraseutikal Malaysia (IPHARM) berjaya dijadikan ubat-ubatan komersial sebenar; dan
  - (b) jumlah ubat-ubatan tersebut yang telah benar-benar diuji pakai di hospital-hospital Kerajaan.
47. PR-1313-L58995  
**Dato' Sri Azalina binti Dato' Othman Said [ Pengerang ]** minta **MENTERI KEWANGAN** menyatakan tentang pembinaan dan pelaksanaan Pusat Transformasi Bandar (*Urban Transformation Centre-UTC*) dan Pusat Transformasi Luar Bandar (*Rural Transformation Centres-RTC*) sehingga kini khususnya:-
- (a) jumlah UTC dan RTC yang telah dibina dan telah beroperasi sehingga kini; dan
  - (b) apakah perkhidmatan kini yang diberikan dalam konsep kaunter perkhidmatan pelbagai (*multi service counter*) di UTC dan RTC tersebut dan apakah perkhidmatan-perkhidmatan yang akan diterap dalam sistem atau program ini demi kesejahteraan rakyat.
48. PR-1313-L58229  
**Dato' Hasbullah bin Osman [ Gerik ]** minta **MENTERI PENGANGKUTAN** menyatakan melalui Jabatan Pengangkutan Jalan (JPJ) mengkaji modul buku kurikulum Sekolah Memandu yang tidak pernah di semak dan di tambah baik sejak mula ianya di perkenalkan.
49. PR-1313-L58623  
**Datuk Dr. Makin @ Marcus Mojigoh [ Putatan ]** minta **PERDANA MENTERI** menyatakan dalam inisiatif Pemerkasaan Ekonomi Bumiputera (PEB), fokus ke 4, memperhebat keusahawanan dan perniagaan Bumiputera, adakah Kerajaan menyediakan dana khas bagi KCCI (Dewan Perniagaan dan Industri Kadazan Dusun Sabah) dan DCCI (Dewan Perniagaan dan Industri Dayak Sarawak) untuk membantu mereka untuk mereka membantu golongan sasar mereka.



50. PR-1313-L58508  
**Datuk Ir. Dr. Wee Ka Siong [ Ayer Hitam ]** minta **MENTERI DALAM NEGERI** menyatakan apakah kekangan untuk mewujudkan sebuah Ibu Pejabat Polis Daerah (IPD) di Yong Peng. Kenapa PDRM yang mempunyai perancangan mewujudkan IPD Yong Peng sejak beberapa tahun lalu masih tidak dapat merealisasikan cadangan ini.
51. PR-1313-L57340  
**Tan Sri Datuk Seri Panglima Joseph Pairin Kitingan [ Keningau ]** minta **MENTERI PENDIDIKAN** menyatakan bilakah pemindahan tapak Sekolah Menengah St. Martin di Tambunan di lakukan supaya pertambahan murid-murid di Sekolah Menengah St. Martin akan selesai.
52. PR-1313-L57211  
**Dato' Haji Mohd Zaim bin Abu Hasan [ Parit ]** minta **MENTERI KEWANGAN** menyatakan adakah negara akan berhadapan dengan krisis mata wang sama seperti mana yang dihadapi pada tahun 1997 dan 1998, sekiranya Perjanjian Trans-Pacific Partnership dipersetujui oleh Kerajaan.
53. PR-1313-L57148  
**Dr. Ismail bin Daut [ Merbok ]** minta **MENTERI KEWANGAN** menyatakan :-
- (a) berapa peratuskah tangkapan dan rampasan barangan sahaja tanpa pelari cukai berbanding dengan barangan bersama pemiliknya; dan
  - (b) apakah langkah-langkah yang akan diambil bagi memastikan semua tangkapan dan rampasan bukan hanya barangan sahaja tetapi kedua-duanya iaitu barangan dan pemiliknya.
54. PR-1313-L57131  
**Dato' Takiyuddin bin Hassan [ Kota Bharu ]** minta **MENTERI PERTANIAN DAN INDUSTRI ASAS TANI** menyatakan berapakah kuantiti ikan, ayam, sayur-sayuran dan buah-buahan dalam pasaran di negara ini diimport daripada negara luar.
55. PR-1313-L57126  
**Dr. Izani bin Haji Husin [ Pengkalan Chepa ]** minta **MENTERI PENDIDIKAN** menyatakan apakah sebab-sebab pencapaian tahap pendidikan kita berada di bawah pencapaian berbanding dengan negara-negara serantau sedangkan kos per murid di negara kita adalah lebih tinggi dan adakah perbelanjaan Program Latihan Khidmat Negara dan Program Biro Tatanegara termasuk dalam bajet Kementerian ini.

**PADA PERMULAAN URUSAN MESYUARAT**  
**MENGEMUKAKAN RANG UNDANG-UNDANG KERAJAAN**  
**UNTUK BACAAN KALI YANG PERTAMA**

1. **Menteri di Jabatan Perdana Menteri**

- \* Rang Undang-undang Saraan Hakim (Pindaan) 2013

---

\* Menandakan bahawa Rang Undang-undang ini akan dibawa pada semua peringkat di mesyuarat ini.

### **ATURAN URUSAN MESYUARAT DAN USUL-USUL**

1. **Menyambung Semula Pertimbangan Rang Undang-undang Perbekalan 2014 (D.R.21/2013) dan Usul Anggaran Perbelanjaan Pembangunan 2014 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

#### **Dalam Jawatankuasa Sebuah-buah Majlis (2 Disember 2013)**

- |    |                |   |                               |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013  | <b>Bacaan Kali Yang Kedua</b> |
|    |                | <b>[ Menteri Kewangan ]</b>   |                               |
| 3. | (D.R. 19/2013) | Rang Undang-undang Fi (Jabatan Muzium Malaysia) (Pengesahan) 2013                       | “                             |
|    |                | <b>[ Menteri Pelancongan dan Kebudayaan ]</b>   |                               |
| 4. | (D.R. 20/2013) | Rang Undang-Undang Dadah Berbahaya (Pindaan) 2013                                       | “                             |
|    |                | <b>[ Menteri Kesihatan ]</b>  |                               |
| 5. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “                             |
|    |                | <b>[ Menteri Dalam Negeri ]</b>   |                               |
| 6. | (D.R. 16/2013) | Rang Undang-undang Rumah Perjudian Terbuka (Pindaan) 2013                               | “                             |
|    |                | <b>[ Menteri Kewangan ]</b>   |                               |

7. (D.R. 17/2013) Rang Undang-undang Loteri (Pindaan) 2013 “  
**[ Menteri Kewangan ]**
8. (D.R. 18/2013) Rang Undang-undang Pertaruhan Pool (Pindaan) 2013 “  
**[ Menteri Kewangan ]**
9. (D.R. 15/2013) Rang Undang-undang Lambang dan Nama (Mencegah Penggunaan Tak Wajar) (Pindaan) 2013 “  
**[ Menteri di Jabatan Perdana Menteri ]**
10. (D.R. 10/2013) Rang Undang-undang Kanun Tatacara Jenayah (Pindaan) 2013 “  
**[ Menteri di Jabatan Perdana Menteri ]**
11. (D.R. 12/2013) Rang Undang-undang Keterangan (Pindaan) 2013 “  
**[ Menteri di Jabatan Perdana Menteri ]**

12. **Menteri Kewangan akan mencadangkan :**

“Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM28,905 juta wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut.”

13. **Menteri Kewangan akan mencadangkan :**

“Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 6 Akta Eksais 1976 supaya Perintah Duti Eksais (Pindaan) 2013 yang dibentangkan di hadapan Majlis ini sebagai kertas statut bil. ST. 61 tahun 2013 disahkan.”

14. **Menteri Kewangan akan mencadangkan :**

“Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (1) Seksyen 11 Akta Kastam 1967 dan Seksyen 25 Akta Duti Timbal Balas dan Anti Lambakan 1993 supaya Perintah Duti Kastam (Barang-barang di bawah Perjanjian Perdagangan Keutamaan di kalangan Negara-Negara Anggota D-8) 2013 dan Perintah Kastam (Duti Anti-Lambakan) (No.3) 2013 yang dibentangkan di hadapan Majlis ini sebagai kertas statut bil.ST.100 dan ST.135 tahun 2013 disahkan.”

15. **Menteri Kewangan akan mencadangkan :**

"Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan melalui Menteri Kewangan (Pemerbadanan) membuat pelaburan dengan memperoleh sejumlah 10,000,000 unit saham biasa AES Solutions Sdn Bhd, sebuah syarikat yang dimiliki sepenuhnya oleh Menteri Kewangan (Pemerbadanan) pada nilai RM1 bagi satu unit saham".

16. PR-1313-U58205

**Datuk Madius Tangau [ Tuaran ]** akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

**( Perdana Menteri )**

17. PR-1313-U59118

**Tuan Zairil Khir Johari [ Bukit Bendera ]** akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan.

Bahawa kedua, sekolah ini kurang mendapat manfaat daripada segi kurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

**( Kementerian Pendidikan )**

18. PR-1313-U57786

**Tuan M. Kulasegaran [ Ipoh Barat ]** akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

**( Kementerian Sumber Manusia )**

19. PR-1313-U58419

**Tuan Fong Kui Lun [ Bukit Bintang ]** akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

**( Perdana Menteri )**

20. PR-1313-U58420

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

**( Perdana Menteri )**

21. PR-1313-U58688

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

**( Kementerian Dalam Negeri )**

22. PR-1313-U58691

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

**( Kementerian Pendidikan )**

23. PR-1313-U59119

**Dr. Tan Seng Giaw [ Kepong ]** akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

**(Menteri Kesejahteraan Bandar, Perumahan dan Kerajaan Tempatan)**

24. PR-1313-U59120

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

**( Menteri Pengangkutan )**

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2013</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
ST.109	Laporan Tahunan dan Penyata Kewangan Institut Sukan Negara Bagi Tahun 2012.	3 Disember 2013
ST.120	Laporan Tahunan dan Penyata Kewangan Perbadanan Stadium Malaysia Bagi Tahun 2012.	3 Disember 2013
ST.124	Laporan Tahunan dan Penyata Kewangan Lembaga Pelabuhan Bintulu Bagi Tahun 2012.	3 Disember 2013
ST.126	Laporan Tahunan dan Penyata Kewangan Lembaga Pelabuhan Johor dan Lembaga Pelabuhan Johor (Tanjung Pelepas) Bagi Tahun 2012.	3 Disember 2013
ST.127	Laporan Tahunan dan Penyata Kewangan Suruhanjaya Pelabuhan Pulau Pinang dan Suruhanjaya Pelabuhan Pulau Pinang (Teluk Ewa) Bagi Tahun 2012.	3 Disember 2013
ST.131	Laporan Tahunan dan Penyata Kewangan Lembaga Penggalakan Pelancongan Malaysia Bagi Tahun 2012	3 Disember 2013
ST.133	Laporan Tahunan dan Penyata Kewangan Perbadanan Kemajuan Kraftangan Malaysia Bagi Tahun 2012.	3 Disember 2013
ST.134	Laporan Tahunan dan Penyata Kewangan Lembaga Pembangunan Seni Visual Negara Bagi Tahun 2012.	3 Disember 2013
ST.142	Laporan Tahunan dan Penyata Kewangan Lembaga Penduduk dan Pembangunan Keluarga Negara Bagi Tahun 2012.	3 Disember 2013
ST.143	Laporan Tahunan dan Penyata Kewangan Perbadanan Perusahaan Kecil dan Sederhana Malaysia Bagi Tahun 2012	3 Disember 2013
ST.146	Laporan Tahunan Jawatankuasa Khas Mengenai Rasuah 2012.	3 Disember 2013